

Wo isch dr Walter?
Wo isch dr Walter, wo?

I ha dr Walter gsuecht
Imene Walter-Buech
Ds cha ja nid e so schwär si
Aber i finge ne nid
Uf dene vielne Bilder vo dr Schwiz
Die Sitte chönnte grad so guet läär si
I gseh nur all die Alpe
Alli die alte Bärge
Aber weni «Walter» rüefe
Ghöri nume ds Echo stärke
Gseh uf ere grüne Wiese am blaue See e rotwissi Fahne
Ha scho gmeint, i gsehne loufe, doch es verloufe nume Farbe
So lieblech, so löblech, so läbig
So liisli, so lauwarm, so gäbig
I blettere witer nach Autdorf
U fragä si Vater
U dä seit
«I ha gmeint, dä steit da i mim Schattä»

Wo isch dr Walter?
Wo isch dr Walter?
Wo isch dr Walter?
Wo isch dr Walter?
Wo isch dr Walter?
Wo isch dr Walter?
Wo isch dr Walter?

U so bletteri witter
Bis zu dr letschte Sitte
Aber gfunge hani ne nid
U vilech het är
Eifach gnue gha nach
All dene Jahr und isch
Usegloffte usem Bild
U vilech het är no gseit «Nei
Ds isch nid mal mis Deheim
Nei, ds isch nid mis Deheim
Mi Vatter isch Dän
I bi nid vo da
I weiss nid, was dir vo mir weit
I ha scho denn müesse dr Gring häreha, bi dere Sach mit däm Öpfel
U itze meinet dir, i müess härestah, für irgendwän, irgendöper
Weisch
I ma doch nid geng mit mim Père uf au die Wahlplakat
Vo links bis rächts, 1. Ougustrede hani aus scho gha
U wenn är würk
Dr Vatter vo
üsere Schwiz isch
De überleget nech mau - wär ig bi»

Wo isch dr Walter?
Wo isch dr Walter?
Wo isch dr Walter?

Wo isch dr Walter?
Wo isch dr Walter?
Wo isch dr Walter?
Wo isch dr Walter?
Wo isch dr Walter?

U we dr Walter wider Erwarte wieder einisch würdi cho
U wener när das Lied würd ghöre, de würd är grad wieder drvo
U we die Alpe chönnte loufe, de würde sie drvo
De würde sie drvo
U we die Weide u die Wiese u die Wälder chönnte loufe, de würde sie drvo
Wüu sie sy, was sie sy
Alls angere het me gmacht drus, u drus schöpft me Macht
U sy si wäg, sy d Sitte läär, aber die Weste glych nid wiiss
Drum säg du mir

Wo isch dr?
Wo isch dr?
Wo isch dr?
Wo isch dr?

Wo isch dr Walter?
Wo isch dr Walter?
Wo isch dr Walter?
Wo isch dr Walter?